

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第八三冊目次

桐村詩四卷

〔清〕馮詠撰
清康熙刻本

..... 一

方貞觀詩集六卷

〔清〕方貞觀撰
清乾隆三年汪廷璋刻本

..... 五一

勿齋集五卷

〔清〕王壽儒撰
清刻本

..... 一一

梅莊雜著四卷

〔清〕謝濟世撰
清道光刻本

..... 一六一

半帆詩鈔不分卷

〔清〕汪宸辰撰
清刻本

..... 二八七

石泉詩集四卷文集一卷

〔清〕金楹撰
清乾隆三十九年刻本

..... 三二三

風滿樓詩稿十二卷

〔清〕胡道南撰
清乾隆風滿樓刻本

..... 四〇九

真率集六卷續編一卷

〔清〕尹嘉銓撰
清乾隆三十九年博文齋刻本

..... 五〇三

毅堂詩鈔不分卷

〔清〕王槐植撰
清乾隆二十三年刻本

桐村詩四卷

〔清〕馮詠撰

清康熙刻本

江西省圖書館藏

前此未嘗作詩間作亦散亡不復錄錄詩自楚遊始
 癸巳秋大興簿使君視三楚學政聘與偕行由京師
 溯沿江漢湖湘棹年而畢抵家觀省凡三閱月而再
 之武昌又三月而後歸先後計程幾萬里所至輒題
 數語彙之得若干篇為一卷俗學嘗云聖人採詩不
 錄楚風顧先儒謂周為河洛其南瀕江召為雍岐其
 南瀕漢江漢間詩所緣起在是然則即謂二南為楚
 風亦可厥後屈平著楚辭司馬子長推為國風小雅
 之音唐一代詩集成於杜子美其晚年率多楚中所
 作豈自周迄唐楚之山川人物關於風雅者獨盛耶
 抑南方卑濕易為幽憂愁疾所感耶余才不逮古人
 萬一而流落適於斯其亦有不得已於詩者耶方今
 江漢以南順化者遍蠻獠槃瓠諸族而使君又能宣
 揚教化亦可謂適逢其盛矣詩傳有言閔行役者賦
 卷耳萬民和樂賦采芣奉使勤勞賦小星余之為此
 詩者聊存江漢之謠俗云爾康熙甲午除夕金谿馮
 詠識

桐村詩序

一

桐村詩目

卷一

江漢集古今體詩一百三十四首起癸巳七月自京往楚泊

甲午十二月自楚歸金谿作

卷二

日下集古今體詩一百一十一首起乙未三月赴京蓋丁酉

抵江南歸金谿作

卷三

章江集古今體詩一百五十七首起戊戌正月赴南昌蓋十

二月自贛州歸作

卷四

南海集古今體詩一百一十七首起己亥正月往粵泊四月

留廣州作

桐村詩目

一

桐村詩卷一

金谿 馮詠 夔颺

飲酒和陶二十首

我愛陶彭澤杯酒斟酌之叢菊行當把酒讌須及時
秋風吹葵藿零落方自茲人事有代謝天命復何疑
送君盡此觴他日難重持

古來賢聖者寥落歸空山况我異金石銷燦復何言
聞道王子晉美好享長年無以希其蹤縱飲秘勿傳
人生一世內俛仰適其情安得長壽考所寶在榮名
昔時朱門子一死不再生朝為鸞鳳翔暮為猿鶴驚
請從今日飲明日何所成

桐村詩卷一

雲間有奇鶴飄飄中路飛四顧失其羣抗志鳴且悲
荆棘被原野黃雀相因依烈烈感淒風蛩蛩焉所歸
非不愛羽毛憔悴使心衰幸此托餘生飲酒莫教違
庭前三珠樹上有翠鳥喧以此幾自寇要之心所偏
願言附高鳥欲翻巢神山神山不可即白雲日往還
揮手望白雲懷古將何言

謗者云已非未必譽者是文王為拘囚宣尼遭讒毀
名高物所尤聖人昔尚爾况我下中人吐辭無太綺
灼灼桃李花當春振華英嘉樹無相忘冰霜感我情
青雲從南起赤日忽西傾繁露被野草寒蟬作秋鳴
安得招松喬呼喻永長生

園中多奇樹艷傾松栢姿莽榮眾所欽綠蘿附其枝
一朝隕絲霜蒙籠未足奇俯首愧松栢英華空爾為
人生行樂耳一醉誰能羈

門庭間無人下有蘭蕙開采之挹餘芳隨風入君懷
君懷亮所敬正氣與時乖富貴雖娛樂賤貧亦羈縻
一為清澗石一為濁水泥清濁各有託安能與之諧
願從羣動息不行始不迷哀哉阮籍狂痛哭羊車回
昔日華堂上今且荒山隅借問誰家子金張當要途
何年儕狐兔墓道縱馳驅况復犁為田安知朽骨餘
寧羨安期生託身白雲居

桐村詩卷一

二

雖愛世上名不惜形容槁營衛日已衰顏色焉能好
子雲草太玄淮南著鴻寶志尚詎相謀要期出天表
丈夫不偶世揮手遠遊時與君敘欵曲脉脉不能辭
感結寧相忘韜精長如茲臨別立斯須此情兩不疑
列仙如可求松子不吾欺千秋萬歲後歡愛竟何之
迢遙望中山云是神仙境中有千日酒飲之不易醒
醉中有真樂元化超已領覺悟當何時庭前發茗穎
舉手捫青天皎皎白日炳

我屋八九間時有高人至一坐少長偕斟酌頽然醉
村野罕拘束發言多造次意氣不足傾榮名非所貴
嗟嗟狂馳子孰解此中味

南海產明珠光闕鮫人宅採之不得出回旋滅舊迹
至精諒所寶價值詎千百誤落塵埃中曖昧生虛白
何如委滄海弗令觀者惜

中年謝人事沉酣誦丹經誰是長年者靈藥竟何成
不如飲美酒一任歲華更驚鶩巢阿閣鷄鷄戲中庭
所至有高下參差各自鳴茫茫大化中俯仰非一情
靡靡城上草忻忻秋前風城草已足慮况在秋風中
虛名櫻世患運生詎常通安得返靈曜挂彼扶桑弓
儒者事詩書所期在心得生命多背馳出處為世惑
天時非困策人事苦屯塞非不自保持饑驅向京國
揮杯聊自勸安能長默默

桐村詩卷一

三

被褐溷長安不隱亦不仕知音世所希十上方未已
性命貴自然依人良足耻驅車舍之去歲寒適故里
雖不傷遲暮年華已四紀太息老氏言不殆在知止
我心本匪石精靈難久恃

功名不足道家食乃天真田父提壺至為言風俗淳
依依桑麻舊離離豆苗新共在阡陌間未若胡與秦
久要共來往晤言息埃塵弱女初學語叫笑徒殷勤
歡愛良無極鄉里義所親視彼營營者託身要路津
苟念榮耀歇寧不淚沾巾樂莫飲酒樂無負世上人

蘆溝橋

北道今朝去西山馬上看平沙吹朔雁急浪出桑乾

白溝河懷古四首

鳥散空城暮烟銷戰壘殘太平無事日焉用寒泥九
八部當年畧地多末遼祇隔白溝河陳橋檢點為天
子一戰高梁未許過

河東節度戰殺盡割盧龍十二州一自齊王與禩
去石家臣豈不曾留

東國西樓兩頡頏人天各自號遼皇數年不出黃龍
府河北新傳有睡王

殺氣雲寒涿鹿山胡笳兵頓瓦橋關宋朝八十一回
戰獨有太原一戰還

寄舍弟禹拜

桐村詩卷一

四

悵望鶴鳴每在原羈棲見爾總無緣一身漂梗三千
里萬事浮雲四十年秋草遙臨夔子國江風苦繫孝
廉船黃金臺呼長安市早晚人來白雁邊

邯鄲歌

邯鄲美人妍且都娉婷宛轉世所無頭上金釵嵌碧
瑣耳後明璫雙秦珠腰褻稱身曳長裾凝眸善睐容
儀殊一聲金石發座隅雙雙淚落長嗟吁自言本是
趙王妹國破失身廝養奴舞袖飄飄尚羅襦對鏡的
的桂珊珊不見紅顏變榮枯平原意氣何斯須酒酣
贈君貂襜褕到頭潛聽夜啼烏

磁州

城枕南兼北水流西復東人家烟樹外過客柳陰中
綠散平疇合清迴曲逕通故山遙不見馬上數征鴻

擬燕歌行

秋風起兮露為霜邊草淒淒天末涼仰視雲中誰翺
翔羣羣塞雁飛隨陽賤妾生長本南方北軍掠嫁東
家王是時吾王戎戰塲琵琶馬上淚數行陰山漠漠
曉天蒼雪海莽莽平沙黃死人骸骨積昂藏漢女胡
姬永相望人生老矣少儀光偷聽蠻語輒思量思量
渡河河無梁願從黃鵠還故鄉

鄭州道中

馬驅楊柳下新築鄭州堤古道教山北夕陽榮澤西

桐村詩卷一

五

人家千樹棗村落一聲雞劉項興亡後鴻溝杜宇啼

許州早發

早發向南鄭曙星明遠峰板橋猶戴月城闕乍聞鐘
秋樹光連碧露荷翠百重停車竟何日未許問荀龍

榮澤渡河

邈源長萬里一葦向蒼茫濁浪迴榮澤驚波下太行
西來時闕險北去欲尊王為問成臯路蛟龍戰血黃

信陽州

我行及秋晨驅車過鄧鄙且發義陽城夕投平靖市
疎林涵虛白遠峰隱暮紫入山石駢闌綠原逕迤邐
迢遞望靈山嵐烟時伏起猿嘯青崖上犬吠白雲裏

蓬蓬窮萬壑壘壘周百里秋夕景物清幽行幽賞始
意愜安可窮目從未云已曠如山中人棲矣遠遊子
何思舉羽翰引領西山趾

平靖關

白帝徂秋日荆陳此路分地雄冥扼塞關入義陽軍
柝柝東流水蕭蕭湘南去雲真如歸故園孤雁數聲聞

平湖門

涼隨使者節夜泛野人舟雲色閑依月風聲好近秋
山河百戰在城關一江浮芳草何年沒空傳鸚鵡洲

岳州晚泊

朝來城陵驛暮泊夕波亭湖水浮虛白君山露遠青

桐村詩卷一

六

孤城當去雁遠火亂流螢歎乃何人曲聲聲過洞庭

淶口

八月過湘州孤雲野渡頭凄然木葉下始覺洞庭秋
一峽空靈外兩湖開闊流祇今花石戍還憶少陵遊

湘潭簡張豈石

秋暮潭州道清流直到門江豚吹急浪湯鳥下高原
雨綠茱萸岸霜紅橘柚村故人憐不見皓月想南軒

衡嶽

五峰勢雄長三公秩異數回雁連岫嶺紫蓋接天柱
祀典自百王錫禮踰侯度始知祝融尊不信康回怒
百寶浴日月絕頂噴雲霧丹崖秘怪藏靈宮鬼物附

恭蓉魏夫人尚悅神仙遊昌黎柳至皎少凌徒虛葉
神道未足憑正直守平素鶴鳴千仞巖聲撼天南樹

衡州

當年闔窟免殘孽空啼烏竹憶千行淚人傳萬骨枯
神機破楚壁血戰洗蒼梧試看浯溪上磨崖勒石無

耒陽河口感懷

風林兩岸月野渡一年秋清曠既如此棲遲何所求
八星元北向漢水自東流欲識行藏理看雲獨倚樓

耒陽杜工部祠

祠古依亭沼溪流憶浣花報君空有淚垂老總無家
巫峽春江曲洞庭雲水涯從來憔悴客留滯半長沙

桐村詩卷一

七

絕筆耒陽句重欽廟貌尊艱難一老死弟妹幾人存
萬里去來雁千聲斷續猿靛洲江上水應有未招魂

浯溪

道州刺史登浯溪手提南岳跨湘西劃然長嘯動丹
壑浮丘洪崖與之齊仰見八十四度神仙之窟宅俯
瞰六十餘丈之異石光芒使君之文辭磨崖魯公之
筆迹中興頌春陵行忠義之氣何崢嶸平原淋漓書
絕壁漫叟詞氣浩縱橫靈怪冥冥祝融守靈雨闔闢
蛇龍走石為鏡兮曜南溟竄為樽兮酌北斗護以鬼
物潛神夔森如鸞鳳拏虎螭天地正氣長若此山之
崖兮水之涓

郴州

清絕淥絲水淩其楓樹林山城諸瘵戍風土百蠻音
佑容輪賈布巖坑固冶金愁將雙髻影中夜對猿吟

瓦窰坪

客路逢寒序移舟數轉蓬秋風行劍外陽雁亂雲中
村樹涵虛白蠻花結小紅暮蟬不可聽歸思與誰同

見月

纔見銀蟾出楚南如弓淺窄月初三蠻山可惜多於
髮一線秋光露碧簪

永州懷古

零陵元與柳風義古今無泉為使君漫溪因司馬愚
人烟通五嶺山水號三吾鈎鈎潭前望霜林入畫圖

桐村詩卷一

八

我怪柳司馬八愚吟此溪左遷同夢得文車共昌黎
賦落蒼梧淚魂疑駛舌啼人生思往吝愁絕夕陽西

愚溪柳公祠

零陵雪夜赴薄使君船不及
溪路行無盡前颿未可尋美人迷雪徑船火望楓林

瀨水波瀾急春陵雲樹深陽春如有作留以示知音

邵陽

遙指邵陽道窮陰宵腹間荒城雲近堞孤戍雨連山
峽偏青龍柱人過白馬關明朝覽清鏡倏自感衰顏

武岡

武岡自古險七十二峰巒壑洞歸唐師巴人識漢官
巖花千樹白霜葉萬林丹一望雲山外沉沉落日寒

山口避雨

積霧連朝暗荒郊草店孤土床三戶少麥飯一村無
楚國饒山鬼吳人說野狐時聽猿啼又
寒猿啼不住客髮

老蒼梧

風門山

亂峰當面起狹路客心驚人雜繁瓠種山分蒔竹城
荒村饑虎嘯深澗老猿爭一自歸王化高原次第耕

黔陽道中

峽路沉波黑巖天瘴雪黃三冬來遠雁半日渡橫塘

桐村詩卷一

嶺南去黔陽六十里絕磴通雲牖懸崖架石梁采樵人不見烟火

出松篁

辰溪

霜葉五溪路寒風四野清鳥為春夏語猿作短長聲
山鬼虛雲洞楓人盤木城使君敷教澤歌舞屢相迎

苗俗喜別業頭戲奔舞使君為苗民請置學額故送送款舞迎之

辰州除夕

蠻瘴烟初合辰陽雪度春不堪將晝夜况作異鄉人
荆俗陳芻狗楚巫拜水神明朝看華髮應有數莖新

元日暹太守招同薄使君讌集

元日清歌滿風情未可刪曲從太守度春為使君還

夜火光芒裏明珠錯落間幸逢歡讌地藉以慰屏顏

正月二日舟次黃草衛得家書

客程春未已黃草鎮相於獨下兩行淚漫開千里書
酉山猿斷續辰水雁紆徐知是故園暮寒風破舊廬

清浪灘

東下武陵水放舟清浪中飛流長帶雨急峽不禁風
萬壑五谿潦千江一線通灘頭雲氣亂相望失隸叢

馬伏波廟

廟貌千年祀武州英魂烈烈此灘頭南征空憶飛鳶
跼江瘴難消惹愁銅馬雲沉三峽浪靈旗風掣五

溪秋叢屍不負男兒志欵段何須憶少游

桐村詩卷一

雷洄灘

蠻雲逸岫出輕棹衝波來峰遠盤三折江流曲九迴
濤頭飛盡雨峽口殷晴雷但聽啼猿急令人清夜哀

擬古二首

悠悠楚江綠渺渺春月白地天一何曠懷抱方盈積
江漢盛妖冶調笑秋胡宅雅步歌盈盈流盼情脉脉

美艷非不歡隆恩感在昔結髮垂二八年少輕離隔
流光欵三紀顏貌驚屢易方其結中欵信誓指金石

莫以新間舊無令雙成隻君懷皚如雪我心本匪席
羈鳥戀故林何當中路折幽念亮可鑒殘燈烟當夕

皎皎明月光照我夜織素織素遺者誰以君遠行故

願言附玉體，隆思無朝暮。比縑雖不足，淚痕如繁露。
寧同白紵捐，勿令青蠅污。丈夫愛顏色，一旦委中路。
遊招屈亭

初景澄遠，霽緒風變。素質清暉，澹能忘杳靄。屢相失，
舍舟恣遊眺。延景轉周，悉巖岫。疏峰遙窈窕，烟際出
心。契抗在茲，高賢逸難匹。願瞻同懷，客欣願自此畢。

桃源縣

積雪桃千樹，萼花水一灣。鳥啼殘雨後，犬吠夕陽間。
芳草淺深路，武陵遠近山。悠悠行役者，春去不知還。
八日武陵

人日武陵暑春光，汗漫過欲傾。栢葉酒遙憶洞庭波。

桐村詩卷一

十一

江鳥雲中散，梅花雪後多。相將臥高枕，無奈曉鶯何。
悲故交用韋蘇州韻

皎皎素絲質，營營青蠅污。恩怨相爾汝，盛衰變朝暮。
昔嘗固如漆，今乃踰此度。殺身亮無益，寸心竟誰訴。
所爭在要途，焉能無新故。君看陌上花，英華委霜露。
春日酬家兄劍塾四弟賡虞五弟翼唐用謝

康樂酬從弟惠連韻

春雲時斷續，迢迢來遠峰。春言同懷子，幽獨念儀容。
蘊真心無偏，覽物情所同。如何尚孤遊，慷慨淚沾胸。
沾胸苦難披，洒淚亮若斯。翔鳥不得息，故林衆所知。
停雲時東去，長飈日西馳。春陽何在，萼芳草已迷離。

迷離望漢川，欲愛結故山。饑來感已深，節往景不延。
永懷玄鳥至，遙契白雲篇。無由生羽翰，排空信空言。
空言已云久，之子行遲遲。江蘿瀕為佩，秋水曠可期。
雜賞託雙鯉，為言長相思。相思晨以積，延佇待春時。
春時氣始交，客子尚遊遨。堦蕙初翻葉，墻筍漸遺苞。
遠風招清曠，浮雲起鬱陶。明德無相負，緬邈使心勞。

送潘實夫之寧鄉

同行遍南楚，此別淚縱橫。樹滿新年葉，鶯多故國聲。
黃陵杜宇，廟白帝夕陽。城湛湛，湘東去暮雲千里平。
武陵溪

日暖千峰翠，花迎兩岸船。故林歸客鳥，舊燕語新年。

桐村詩卷一

十二

還望桃源路，遙連雲夢烟。春風行劍外，芳草已悽然。
龍陽道中

百里龍陽道，千頭橘樹林。如茶童子，讖似水使臣。心
龍陽童子不識數
十幅奉送解使君細草知鶯淺，晴楊暝露深。沅湘無限思，
併入楚些吟。

益陽

又向湘南去，藍輿耐薄遊。春風養水綠，落日楚山浮。
漁籠烟波岸，人家杜若洲。洞庭雲淼淼，何處得歸舟。
相陰

曠望湘陰道，留連杜若洲。溪條歸雨燕，長路涉風牛。
柳絮春鶯亂，桃花沅水流。青青湖畔草，相望使人愁。

湘陰早發

薄霜曉露作新晴斜月依人照眼明無數斷橋烟柳
路春禽初試兩三聲

送陶柱中歸虞山二首

旅食相依久勞勞竟未還昨來湖上客日記楚中山
詩酒行千里音聲識百蠻聚鷗驚欲散江外白雲閒
揚帆何太急垂白有慈幃楚橘秋來熟吳蓴雨正肥
江魚閒浪徙石燕想風飛我亦思家者依依獨自歸

洞庭湖用杜工部韻

自來揚子驛復過洞庭湖逢背開開舵濤頭驟擊艦
危橋高下浪春岸淺濶蒲爭食神鴉亂迎風駢馬無

桐村詩卷一

十一

漲沙流野水古木盤荒塗五嶺風聲異三苗雲氣孤
春江來白帝秋水接蒼梧自古爭雄地而今罕霸圖
屯兵曾割據帶甲足憂虞戰伐空殘壘風波鼓大鑪
樓船先下楚畫艇終歸吳遙見岳陽堞時啼落月烏

江行雜詩

我行遍楚國羈旅况經春昨次城陵驛今過揚子津
漢江千萬戶風雨雨三人相看征衣上空餘京洛塵
老留詩卷在客過鳥聲聞漢水一樽夜晴川半樹雲
飄隨紅雨轉心與白鷗分回首春江曲漁歌對夕曛
兩湖萬里道飄泊本無塵楓柁誰家樹芭蘭幾度春
江鄉魚飼犬荆俗鬼憑人我亦傷卑濕窮愁寄遠親

登岳陽樓

舟泊山城暮危樓取次登三江浮楚國十澤控巴陵
月落歸漁棹星疎遠岸燈憑軒同社老各自憶親朋

武昌使院皆山堂

城北開官舍文昌傍使臣堂側有文昌閣江城黃祖宅嶺路鄂
州人聽雨兼秋夏看花共主賓采風誰再至沅澧芷
蘭新

送儲允茲歸宜興

行劍風塵外扁舟吳楚間舊隨秋水至今趁鶯花還
疎雨晴川閣夕陽大別山江東惟二陸還問鬢毛斑

時六月已歸宜興

桐村詩卷一

十四

送友人

春日常衣楚風帆遠送又容程兼水石漁屋半泥塗
帝子洲前渚郎官江外湖知君無限思愁絕海雲孤

黃鶴樓

茲樓瞰天壁礮響何淙淙孤閣遙臨漢雙城半入江
不堪垂老鬢開望倚危窻欲濟無可渡片心未肯降

同張立石李惠伯城樓望江

我友張與李望江楚城隈孤雲隨意起獨鳥不知回
九辨風潮滿萬家烟火來同袍二子長嘯令人哀

獨坐

空齋愛獨坐涼氣滌煩襟散漫江中雨蕭疎意外林

此葉贛圖配補

山頭涵宿霽梅影落珠陰相對亦何事閒情祇自淡
頭陀寺同王徵君孟穀晚眺

招提臨絕岸城闕接微茫天際窺雲夢江隈出漢陽
潮平落照迴風濶湧波長一問突星老新詩昨夜將
徵君所居名突星閣

赤壁二首

胸凌萬頃波情傷千里目人代幾往還江山莽回複
洪流爭斷岸古亭薄瀾澳前瞻桑田改後倚巉巖曲
北宋既湮墟東坡任樵牧吁嗟蘇學士熟睡安得足
昏昏不出門寧知世反覆李則有種求故像

文人好遊戲赤鼻為赤壁點竄孟德詩恢張周郎迹

桐村詩卷一

五

作賦開變體長嘯存精魄勝地以人傳舊事鋤凶逆
立言貴不朽垂戒自夙昔江東十萬師不如奉毫帛

黃州聞舍弟禹拜赴西安却寄二首

已聞久下第傳語向西秦行劍灞陵雨空囊漢苑春
鴉啼過隴樹馬色度關人幸際兵屯罷文旌傍使臣
茫茫清渭上泛泛漢波舟我渡龍驤水君經鳥鼠秋
弟兄輕聚散秦楚各淹留行路風霜早應懷老病憂

石頭口

石頭口畔水湯湯一棹江風弔戰場謾以蘆洲留伍
相還將磯狀號劉郎吳王宮裏空芳草甘聖祠前但
夕陽陵谷不知曾幾變爭雄自古有荆襄江邊祀甘聖皆稱甘聖

青山巖

言從赤壁道又向武昌回磯水因風急江雲作雨來
翠黛繁橘柚紅淺落楊梅莫以歸心亂恐為白髮催
賞春

花月春江總為春賞春獨有酒盃親可憐春色渾如
舊不是舊時花月人

武昌

肯夏風濤日夜催維舟此夕燕飛迴江雲半向晴川
落漢水東流喧冢來芳草曾銷黃祖宅烟波空上楚
王臺欄衡一去憐鸚鵡惆悵當年作賦才

渡江

桐村詩卷一

六

風急浩無際危檣下鄂州青山楚塞窄白浪漢江浮
驛馬來何壯魚龍鬪不休篙工異顏色倉卒怯中流
漢口

近流歸九派遠接控三巴太白樓頭酒夫人廟口花
雲山大小別烟火萬千家自是清平好何當漫吹笳
時漢口亂民約以三月一日為亂軍渡江故之

德安道中

首夏愁行路篋輿逐使旌山開鄖子國雨過楚王城
巢燕將雛意江花送客情夜來聞笛吹一曲想南征
獨樹阻淺與毛辰再步至楊家河

舟盪淺無波其如獨樹何言尋樵子徑遙見楊家河

平岸青山少荒蹊烏柏多與君暫攜手村落屢相過
應城道中雨

井屋晨烟起空城朝氣寒已知湘雨至愁入亂雲端
僕馬爭趨驛兒童笑整冠佇延待露景遙見夕陽殘

陽春亭

鄧客竟無和孤亭今尚存浹枯湘水竹聲斷莫愁村
城古荒烟合山燒野日昏知音自古少遺恨更何言

歸江西留別薄使君

行路常憐我窮途每仗君欲歸雲夢雨憶昨洞庭雲
飄入三江遠潮來九拜分秋風黃鵠上知有雁聲聞

竟陵登舟

桐村詩卷一

七

雲杜扁舟泊孤城曙色斜雁飛魚復浦燕入楚人家
三澁鴨頭水九江烏柏花家園千里外高樹滿昏鴉

甘興霸祠

廟貌臨江許英風直到今靈旗翻赤壁浩氣奪烏林
楚塞千秋祀吳船百戰心自從降帝子鐵鎖恨空沉

江船

到岸爭先繫柳椿客船齊舶一雙雙南風鎮日猖狂
甚還送濤頭過九江

望小孤山

匡廬湖水淼茫間霧閣雲窻枉自閑莫怪彭郎忙到
晚殷勤迎送小姑山

九江

孤舟下楚國九派落城邊滄浦白頭浪潯陽赤日天
荒殘六代堊斷續五峰烟樓外閒憑弔應懷庾亮賢

東林寺

清溪懸翠壁活火煮新茶楓櫟名山地松雲釋子家
石流虎嘯水猿隱麝囊花惆悵匡廬下東林落晚霞

次韻贈毛泉再別

沅芷湘蘭倍可親行吟共弔楚靈均食魚我愧三千
士歎血君同十九人紫蓋峰前陽雁雨黃陵廟口杜
鵑春祇今揮手匡山道五老鬚眉看未真

過廬山用鮑明遠登廬山韻

桐村詩卷一

六

薄旅次山楹憇我倦遊士天經北極根地軸西山趾
雲錦張九壘楚吳割千里上通氣鴻濛下縈江沱沔
窮崖洞山脊絕磴架石耳壯哉二峰尊忽諸三公祀
襟帶江湖間面目烟波裏日月相避隱雲霞時伏起
嵩嶽及岑峯英靈詎相似乳竇升井中聞有棲隱子
寒裳不能從懸裝溷城市

七夕侍飲

斜月照堂無新秋到故園傳家惟硯石娛老在琴尊
但問桑麻長而無鵝鴨喧天河殊歷歷長自照詞原

山居示弟翼唐

仰聽枝頭鳥俯看澗裏泉鳥鳴何數數泉響亦涓涓

松月近相照秋風胡獨然木雞神不動庶以保天年

落舉

鄉薦失書生單車出會城水中天共遠江上草無名
落日陰晴變孤雲聚散輕唐人殊不達中酒獨含情

落舉後看飲鹿鳴宴口號二首

威儀簇簇競排衙新貴衣冠謾自誇莫道鹿鳴非為
我也曾分得一枝花故第飲宴日觀者須就世
宴官乞花一枝方許入

月宮纔放廣寒香飽看誰家桂子黃但見姮娥真面
目得仙何必定吳剛

偶題清暉樓

荒荒蘇圃莎冥冥滕閣雨一夜鯉魚風寒濞江上樹

桐村詩卷一

七

落舉後渡章江觀人刈稻

南浦鹿鳴日西江鴻雁舟風雲正蕭瑟魚鳥况清秋
梧落宜收稻松陰看飯牛歸田吾所願不戀蓼花洲

沙井

青鳥來時路丹楓暎處烟江迴山更續林斷野仍連
落日蓼花浦殘陽樵舍天愁多惟酒盞老去有詩篇

宿東林店

戚戚孤燈炯荒野成昏秋溪松子落露重藥苗絲
月色連庭竹鐘聲兼夜猿人生默自省何事最銷魂

九日渡潯陽江

茱萸九日酒楓樹一林秋雲薄匡山出江同漢水流

三年愁客路萬里估人舟安得拋魚鳥長依故國樓

江泊

江路泊舟晚菊花對酒初雲端吳岫遠林杪楚山餘
坐峽蕭疎雨武昌潑刺魚重經黃鵠畔秋思近何如

薄使君講堂

策竹感衛思菁莪興周情南疆攬紫色楚澤茂蕙英
深道嶽麓秘舒文江漢清地靈自天闕林垌固神營
氣先芷蘭香譽比金玉聲石泉當城闕翰墨羅戶庭
伊余振絲縛為君達溪馨長揖謝蓬心飛薄愧平生

詩是子為師以
性故未終事去

獨登黃鶴樓

桐村詩卷一

辛

登臨懷古意獨望水天長草短浮鷗鷺雲濛指鳳凰
江城空戰伐南國飽風霜今夜多秋思何人共月光

登臺

平臺倚石壁高並武昌樓烟火村連市風光水入洲
詩情楓樹雨人意麥城秋世事浩無際長江日夜流

舟中別黃梅李西卜

我出斯黃道君歸者舊存水雲時共賞風雨夜移尊
秋老歸山鳥霜啼失木猿期將千古事細向燭光論

新州道中

隆冬發楚國生計趁吳船漁屋寒雲薄畝田野火燒
市荒全凍浦船聚半山橋月色兼風景江天正宵寥